

**KANTONALNA
PRIVREDNA
KOMORA
TUZLA
BROJ 5 i 6
MAJ/JUNI
2012.**

KOMORSKI INFORMATOR



**KANTONALNA
PRIVREDNA
KOMORA TUZLA**



**RUDNICI UGLJA "KREKA"
DOBILI OKOLIŠNU
DOZVOLU**



**"OMEGA" OZBILJAN I
DUGOROČAN PARTNER**



**SVEČANO OTVORENA
"PIVNICA TAVERNA"**



**ZLATNI PROIZVODI
IZ TUZLANSKE MLJEKARE**

KOMORSKI
INFORMATOR
broj 5 i 6 - 2012.

**KANTONALNA
PRIVREDNA
KOMORA TUZLA**

Izdavački savjet:

1. Nedret Kikanović, predsjednik
2. Mirsad Kukić, član
3. Bajazit Jašarević, član
4. Jorgovan Begić, član
5. Gorana Dautović, član

Redakcijski kolegij:

1. Jorgovan Begić, predsjednik
2. Nedret Kikanović, član
3. Esad Arnautović, član
4. Suad Selimović, član
5. Nurudin Žunić, član

Izdavač:

Kantonalna privredna komora Tuzla

Gl. i odgovorni urednik:

Dino Kalesić, dipl. žurnalista

Tehnička priprema, repro i štampa:

HARFO-GRAF, d.o.o. Tuzla

Za štampariju:

Branka Kreco-Mehić, direktor

Tiraž:

500 primjeraka,
maj/juni 2012. god.

Adresa:

Trg slobode bb
e-mail: komora@kpkt.ba
http://www.kpktz.ba

Ministarstvo obrazovanja, nauke, kulture i sporta na osnovu člana 19. tačka 13. stav 2. Zakona o porezu na promet proizvoda i usluga ("Sl. novine Federacije Bosne i Hercegovine", broj: 6/95 i 25/97), rješavajući o zahtjevu Kantonalne privredne komore Tuzla broj: 10/15-4481/99. od 30. 04. 1999. godine, dalo je mišljenje o oslobađanju poreza na promet glasila "Komorski informator".

UVODNIK

Poštovani čitaoci!

Najveći dio i ovog broja "Komorskog informatora" posvećen je redovnim aktivnostima u komorskim udruženjima, održavanju sjednica odbora. Održana je 15. sjednica UO Komore na kojoj je još jednom istaknuta neophodnost formiranja konzorcija metalne industrije radi izgradnje Bloka 7 TE Tuzla i TE Banovići. Na sjednici Odbora Udruženja za industriju tekstila, kože i obuće, Kantonalne privredne komore Tuzla, predstavnici Federalnog ministarstva energije, rudarstva i industrije su predstavili dosadašnje aktivnosti na izradi Strategije razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godina. Članovi Odbora Udruženja za trgovinu, ugostiteljstvo i turizam raspravljali su o jačanju inicijative za označavanje objekata u oblasti ugostiteljstva i trgovine na području Tuzlanskog kantona sa većim procentom zastupljenosti domaćih proizvoda, o značaju privatne prakse u zdravstvu za veći broj firmi članica Komore na sajamskim manifestacijama u zajedničkim izložbenim postavkama koje organizuje Kantonalna privredna komora Tuzla. Udruženje za šumarstvo i drvnu industriju Kantonalne privredne komore Tuzla organizovalo je raspravu o nacrtu Zakona o šumama. Na sastanku Odbora grupacije proizvođača komposta i gljiva TK-a razgovaralo se o podsticajima poljoprivredi kao i na sastanku Odbora Grupacije proizvođača sjemena i sadnog materijala TK-a.



Značajno je pomenuti da su Centar za regionalnu saradnju u Kantonalnoj privrednoj komori Tuzla i delegacija Evropske unije u Bosni i Hercegovini organizovali prezentaciju Javnog poziva Delegacije EU u BiH – dodjela bespovratnih sredstava za podsticanje i jačanje udruženja građana (NVO) – organizacija civilnog društva, a u cilju razmjene znanja i iskustva kako bi postali snažniji partneri u dijalogu sa institucijama vlasti. Također, značajan i posjećen je bio i skup na kojem su iskustva razmijenili privrednici iz Češke i Tuzlanskog kantona. Kantonalna privredna komora Tuzla i Ambasada Republike Češke u Bosni i Hercegovini organizovali su prezentaciju čeških kompanija iz energetskog sektora, rudarstva, mehanizacije i zaštite okoline.

"Aktuelno stanje BH ekonomije" bio je naziv konferencije koju je organizovala Kantonalna privredna komora Tuzla u saradnji sa Centralnom bankom BiH Sarajevo, također u Komori.

Mnogo je važnih događaja vezanih za firme članice Komore, o čemu također informiše Komorski informator. Rudnici uglja "Kreka" Tuzla prvi su u Federaciji BiH koji imaju okolinsku dozvolu a pušten je u rad remontovani bager na platou Rudnika "Dubrave" kod Tuzle. U firmi "Deling" d.o.o. Tuzla, odlučili su da grade sopstvenu solarnu elektranu. Global Ispat, koksna industrija Lukavac, prezentirala je novi projekat, a to je modernizacija proizvodnje električne energije u GIKIL-u – "Nova energana". Bilježimo radnu ali značajnu posjetu partnerskoj firmi "Omega" d.o.o. Živinice, regionalnog direktora prodaje firme "Beko" za Balkan. Nakon dvadeset godina, Tuzlanska pivara je juna 2012. godine svečanom ceremonijom gostima otvorila vrata svoje "Pivnice Taverna"

**Dino Kalesić,
gl. i odg. urednik**

ZAŠTO BITI ČLANICA KANTONALNE PRIVREDNE KOMORE TUZLA

Komora svojim članicama kao i onima koji žele biti član ove privredne asocijacije, pomaže u realizaciji poslovnih ciljeva i planova i zastupa njihove interese.

To se prije svega odnosi na:

- Organizovanje u udruženja po granama djelatnosti: vijeće, sekcije, komisije i druge oblike organizovanja u zastupanju i realizovanju poslovnih ciljeva
- Mogućnost besplatnog korištenja kompletne infrastrukture Komore u provođenju svih oblika aktivnosti (multimedijalna sala za sjednice, fax, telefon i druga tehnička pomagala) za održavanje skupova, sastanaka, prezentacija, promocija, predavanja i seminara
- Posredovanje kod izdavanja viza
- Pripremanje i organizovanje nastupa na sajmovima, izložbama i drugim oblicima prezentacije
- Besplatno predstavljanje u listu "Komorski informator"
- Besplatno predstavljanje na web stranici Komore
- Besplatni mali oglasi i obavještenja na web stranici Komore
- Besplatno uvrštavanje informacija u dnevni "Privredni servis" Komore



SADRŽAJ :



PREDSTAVLJEN DOKUMENT "PRIVREDNA KRETANJA" 4



RASPRAVA O NACRTU ZAKONA O ŠUMAMA 5



SUSRETI PRIVREDNIKA ČEŠKE I TK 6



"AKTUELNO STANJE BH EKONOMIJE" 6



SJEDNICE ODBORA KOMORSKIH UDRUŽENJA 7



"NEMA UKIDANJA PUTNIČKE TAKSE" 8



"OD NAŠEG POLJA DO NAŠEG STOLA" 9



**GRUPACIJA PROIZVOĐAČA SJEMENA I SADNOG
MATERIJALA TK 10**



RUDNICI UGLJA "KREKA" DOBILI OKOLINSKU DOZVOLU 12



"OMEGA" OZBILJAN I DUGOROČAN PARTNER 13



SVEČANO OTVORENA "PIVNICA TAVERNA" 14



ZLATNI PROIZVODI IZ TUZLANSKE MLJEKARE 15



**OKRUGLI STOLOVI O TURIZMU I ZAŠTITI DOMAĆE
PROIZVODNJE 16**



Održana 15. sjednica UO Komore ...

PREDSTAVLJEN DOKUMENT “PRIVREDNA KRETANJA”

Neophodno formiranje konzorcija metalne industrije radi izgradnje Bloka 7 TE Tuzla i TE Banovići

Članovima Upravnog odbora Kantonalne privredne komore Tuzla na 15. redovnoj sjednici, Nedret Kikanović, predsjednik Komore, predstavio je ovaj komorski proizvod nazvan “Privredna kretanja”. Riječ je o dokumentu koji izrađuje Stručna služba Komore a koji na jednom mjestu objedinjuje sve najnovije podatke vezane za privredna kretanja na području Bosne i Hercegovine i Federacije Bosne i Hercegovine, zatim informaciju o privrednim kretanjima na području Tuzlanskog kantona, koju sačinjavaju podaci o industrijskoj proizvodnji, spoljnotrgovinskoj razmjeni, kao i najnoviji podaci o zaposlenosti i nezaposlenosti te kretanju neto i bruto plaća na području Tuzlanskog kantona. Svi podaci prikupljeni su iz relevantnih institucija, a riječ je o Agenciji za statistiku BiH, Agenciji za rad i zapošljavanje BiH, Vanjskotrgovinskoj/Spoljnotrgovinskoj komori BiH, Federalnim zavodima za statistiku i za zapošljavanje. Članovi UO Komore su, uz

zervnih dijelova, preispitivanje cijena i uslova za plaćanje energenata i u tom smislu moguće subvencioniranje troškova električne energije i drugih energenata te predvidjeti moguće modele stimuliranja izvoza proizvoda iz domaće industrije. Analizirajući pravce razvoja ove oblasti, istaknuto je kako bi se trebala revitalizovati kompletna elektro i metalska industrija na području Tuzlanskog kantona. Neophodna je i modernizacija elektro i metalske industrije, koja će poštovati visoke savremene ekološke standarde, usklađena sa potrebama domaće tražnje i izvozom, uz korištenje energetske efikasne proizvodnje. Modernizacija proizvodne opreme i tehnologije treba da predstavlja prioritet kako bi se dobio proizvod koji zadovoljava standarde i koji je konkurentan na međunarodnom tržištu. Treba uraditi i remont postojeće opreme u ovoj industriji da bi se zadovoljili ekološki i zdravstveni standardi za rad u ovim postrojenjima, rečeno je na sjednici UO



određene dopune koje će unaprijediti kvalitet ovog dokumenta, izrazili zadovoljstvo izradom “Biltena” za kojeg se smatra da će biti od velike pomoći članovima Vlade Tuzlanskog kantona ali i privrednicima, za čije potrebe je dokument i izrađen. Analizirana je na sjednici i problematika novčane podrške i neusklađenosti sa strategijom razvoja u poljoprivredi Tuzlanskog kantona sa aspekta ekonomske održivosti vlastite proizvodnje hrane. Zaključeno je da je neophodno uspostaviti adekvatan institucionalni i pravni okvir za podršku razvoju poljoprivrede na području Tuzlanskog kantona za konkurentnost na domaćem i EU tržištu, uz adekvatnu agrarnu politiku usaglašenu sa dobrom praksom EU. Za realizaciju ovog cilja potrebno je provesti određene mjere, kao što su unapređenje koordinacije politike podsticaja na različitim nivoima (federalni, kantonalni, općinski) i usaglašavanje sa EU praksom te unapređenje politike podsticaja sa povećanjem podsticaja strateških oblasti i uvođenjem novih oblasti te razvijanje mehanizama za monitoring implementacije podsticaja i kontrolu rezultata.

Na 15. redovnoj sjednici UO Komore, članovima ovog tijela je predložen i rezime rasprave na temu “Unapređenje poslovanja u elektro i metaloprerađivačkoj industriji na području Tuzlanskog kantona”, a koji je rezultat rasprave sa sjednice Odbora Udruženja za energetiku, rudarstvo i industriju Kantonalne privredne komore Tuzla. Predloženi su i određeni prijedlozi upućeni sa sjednice Odbora Udruženja na osnovu kojih su predložene i moguće mjere koje bi doprinijele unapređenju poslovanja u pomenutoj oblasti, kojima bi trebalo predvidjeti mjere kontrole i ograničenja uvoza materijala i roba koje se proizvode u domaćoj industriji te u sklopu toga mjere zaštite od prekomjernog uvoza, oslobađanje od carina uvoza repromaterijala, opreme i mašina za reprodukciju te re-

Komore. U narednim koracima neophodno je rješavanje prisutne nelikvidnosti i nedostatka obrtnih sredstava u dugom roku kako bi se obezbijedio kontinuitet proizvodnje. Predlaže se iniciranje racionalizacije i štednje električne energije i da se, s tim u vezi, u svim firmama elektro i metalske industrije ugrade stabilizatori za napajanje električnom energijom. Neophodnim je okarakterisano i obezbjeđenje edukacije menadžmenta na svim nivoima poslovanja. Za metalnu i elektroindustriju Tuzlanskog kantona potrebno je oživjeti postojeće kapacitete i poduzeti odgovarajuće mjere koje bi omogućile nesmetano funkcionisanje proizvodnje, povezivanje naučno-stručnih ustanova iz različitih sektora oko pitanja energetike i metaloprerađivačke industrije. Planiranje projekata, ljudski i materijalni resursi su ključne komponente za menadžment predmetne industrije. Pitanje formiranja konzorcija metalne industrije na Tuzlanskom kantonu je neophodno radi izgradnje Bloka 7 TE Tuzla i TE Banovići koji može da konkuriše na poslove izgradnje ovih značajnih energetske objekata na području Kantona. Domaćim proizvođačima u obavljanju usluga u metaloprerađivačkoj industriji treba dati prioritet u okviru sistema javnih nabavki, jer samo na taj način je moguće participirati u dijelu sredstava koje nosi ovaj energetske projekat. Članovi Upravnog odbora Komore su podržali ove informacije kao i predloženi zaključak da se rezime rasprave na temu „Unapređenje poslovanja u elektro i metaloprerađivačkoj industriji na području Tuzlanskog kantona“ zajedno sa zaključcima Upravnog odbora, sa rasprave dostavi Vladi Tuzlanskog kantona i Ministarstvu za industriju, energetiku i rudarstvo Tuzlanskog kantona, na upoznavanje i poduzimanje određenih mjera i aktivnosti u cilju implementacije zadataka iz rezimea u narednom periodu.

D.K.



RASPRAVA O NACRTU ZAKONA O ŠUMAMA

Nacrt podnijelo Kantonalno ministarstvo – Organizator Udruženje za šumarstvo i drvenu industriju Kantonalne privredne komore Tuzla

Udruženje za šumarstvo i drvenu industriju Kantonalne privredne komore Tuzla organizovalo je raspravu o nacrtu Zakona o šumama. Ministarstvo za poljoprivredu, vodoprivredu i šumarstvo Tuzlanskog kantona podnijelo je nacrt Zakona o šumama koji je prihvaćen na Vladi TK i upućen u raspravu. **“Organizovali smo raspravu kako bismo dali primjedbe i prijedloge za koje se nadamo da će biti prihvaćeni. U raspravi su učestvovali predstavnici privrednih društava iz oblasti šumarstva i drvne industrije, Kantonalne uprave za šume, predstavnici inspekcija. Važno je reći da je prije tri godine oboren Zakon o šumama na Federalnom nivou. Vlada je donijela Uredbu o šumama, na neza-**

konit način, i to je osnovni razlog zbog kojeg se ide u proceduru donošenja Zakona o šumama. Kada je ovaj Zakon bio neophodan na nivou Federacije, nije donesen u predviđenom roku i upravo zbog toga je u proceduri u mnogim, pa



i Tuzlanskom kantonu. Nadamo se da će donošenjem Zakona u velikoj mjeri biti omogućeno očuvanje ovog veoma značajnog resursa koji predstavlja veliko bogatstvo na području našeg Kantona”, istakao je Suad Selimović, sekretar Udruženja za šumarstvo i drvenu industriju Kantonalne privredne komore Tuzla. Rezime rasprave o nacrtu Zakona o šumama Stručna služba Kantonalne privredne komore Tuzla, uputila je Ministarstvu za poljoprivredu, vodoprivredu i šumarstvo Tuzlanskog kantona, sa preporukom da u Ministarstvu učine sve napore u okviru svojih ovlasti, kako bi se primjedbe i prijedlozi uvrstili u Zakon.

D.K.

PRIMJEDBE I PRIJEDLOZI:

- ❖ da se u članu 2. stav 1. iza riječi „infrastrukturu u šumi“ dodaju riječi „površinske vode“;
- ❖ da se u članu 3. stav 1. iza tačke 12. doda tačka 13. „Površinske vode su stalni i povremeni površinski vodeni tokovi, te stajalice vode“, a sve ostale redne brojeve tačaka pomjeriti za jedan broj;
- ❖ da se u članu 6. stav 3. iza riječi „diplomirani inženjeri šumarstva“ dodaju riječi „ili masteri šumarstva“;
- ❖ da u članu 6. stav 6. umjesto riječi „100 m³ po vlasniku“ treba da stoji „100 m³ po k.č.“;
- ❖ da se u članu 8. stav 2. iza riječi „diplomirani inženjer šumarstva“, dodaju riječi „ili masteri šumarstva“;
- ❖ da se u članu 8. stav 3. iza riječi „može vršiti“ dodaju riječi „bakalaureat šumarstva ili “ a zatim nastaviti tekst šumarski tehničar....., a umjesto riječi „pet“ staviti „deset“ godina;
- ❖ da se član 8. stav 6. mijenja i glasi: „Doznaka i sječa stabala, odnosno površina za sječu, može se odobriti vlasniku koji podnese dokaz o pravu vlasništva. Pod pravom vlasništva nad šumom podrazumijeva se zemljišno-knjižni izvadak, kao dokaz da je šuma privatno vlasništvo i posjedovni list kao dokaz čije je privatno vlasništvo.“;
- ❖ da se u članu 15. u stavu 5. tekst iza riječi „raspravljeni“ briše i umjesto njega stavi sljedeći tekst: „niti izvršiti sječu stabala bez prethodne doznake. Licu koje izvrši radnje suprotno ovom članu i koje drvo i nedrvne šumske proizvode stavi u promet protivno odredbama ovog člana, pored novčane kazne izreći će se zaštitna mjera oduzimanja drveta, odnosno nedrvnih šumskih proizvoda, kao i sredstava kojim je izvršena nezakonita radnja“;
- ❖ da se u poglavlju II – Planiranje u šumarstvu obuhvate šumskoprivredna područja koja se formiraju radi obezbjeđenja racionalnog i trajnog gospodarenja šumama i šumskim zemljištem. Imajući u vidu da je članovima 4 do 6 propisano da se šumama na određenom području (nije navedeno koje) gazduje po odredbama šumskoprivredne osnove, onda je vidljivo da nedostaje oblast ŠPP-a.
- ❖ da u članu 25. (zaštita ugroženih vrsta) u riječi „CORVLUS“, umjesto slova „V“ treba da stoji slovo „Y“, a u riječi „mimike“ umjesto slova „i“, treba da stoji slovo „u“;
- ❖ da se član 29. zamijeni ranijim propisima člana 44. Zakona o šumama FBiH i člana 27. Uredbe o šumama FBiH;
- ❖ članom 33. stav 4. regulisano je da je minimalna teritorija kojom može gospodariti jedno šumskoprivredno društvo, šumskoprivredno područje. Zbog toga iza člana 3. treba dodati novi član koji bi regulisao šumskoprivredna područja;
- ❖ da se u kaznenim odredbama u članu 59. stav 1. iza tačke 2. doda još jedna tačka koja bi glasila „vrši sječu šume prije odabiranja i doznake stabala za sječu suprotno (članu 7. stav 1“, pošto ispred člana 6. ni jedan drugi član ne sankcioniše bespravnu sječu za fizičko lice. Jedino taj član bi sankcionisao jer ako se to ne uradi, desiće se da će ljudi sjeći u državnim šumama gdje se ne može podnijeti prijava protiv njih. Član 59. bi imao umjesto 18., 19 tačaka, a u stavu 2 za prekršaj stava 1. tačka 5 i 7 bile bi tačke 6 i 8, a u stavu 3 isto bi se tačke promijenile na tačku 17.;
- ❖ u članu 51 (Korištenje namjenskih sredstava koja su prihod općina) ne piše ko vrši nadzor utroška tih sredstava;
- ❖ da se u poglavlju XVII PRELAZNE I ZAVRŠNE ODREDBE, u članu 60. doda novi stav (3) koji glasi: „Zaposlenici u JP Šume TK, d.d. Kladanj, koji rade na poslovima zaštite šuma a koji formalno pravno ispunjavaju uslove rada u službama državne uprave bit će ponudeni da nastave radni angažman u kantonalnoj upravi za šumarstvo Tuzlanskog kantona“;
- ❖ da se u ovaj Zakon ugrade kriteriji prodaje sirovine kojima bi se dala sigurnost u nabavci sirovine investitorima u drvoju industriji, jer do sada ni jedan zakon ovo nije definisao. Ovo je do sada ostavljeno šumskim gazdinstvima da oni to definišu.



Aktivnosti u Komori ...

PREDSTAVLJEN JAVNI POZIV

Centar za regionalnu saradnju u Kantonalnoj privrednoj komori Tuzla i delegacija EU u BiH

Centar za regionalnu saradnju u Kantonalnoj privrednoj komori Tuzla i delegacija Evropske unije u Bosni i Hercegovini organizovali su prezentaciju Javnog poziva Delegacije EU u BiH – dodjela bespovratnih sredstava za podsticanje i jačanje udruženja građana (NVO) – organizacija civilnog društva, a u cilju razmjene znanja i iskustava kako bi postali snažniji partneri u dijalogu sa institucijama vlasti. Za ovaj javni poziv su odvojena znatna sredstva podijeljena u nekoliko lotova. Na javni poziv za dobijanje sredstava mogu konkurisati nevladine organizacije koje formiraju mrežu u kojoj je neophodno učesće pet organizacija, od kojih bi jedna bila nosilac projekta a ostale bi imale status članica mreže. Za prihvatljiva područja

od prvog do devetog lota, koji obuhvataju socijalnu uključenost, mlade, okoliši,



poduzetništvo, obrazovanje, kulturu, ruralni razvoj i borbu protiv nezaposlenos-

ti, zdravstvo i medij, predviđen je fond u iznosu od mini-malno 150 hiljada eura do maksimalnih 250 hiljada eura. "Za lot 10 i 11 koji obuhvataju borbu protiv korupcije, pravosuđe i unutarnje poslove, predviđena su sredstva od minimalnih 50 hiljada eura do maksimalnih 100 hiljada eura. Okoliši i klimatske promjene predstavlja dvanaesti lot za koji je u Fondu određen najveći iznos, od minimalnih 400 hiljada eura do maksimalnih 500 hiljada eura. Predstavili smo jednu grant šemu za podršku organizacijama iz civilnog društva za 2012. godinu a riječ je o ukupnom iznosu od 3,5 miliona eura podijeljenih u ukupno 12 tematskih lotova", izjavio je Džemal Hodžić, predstavnik delegacije EU u BiH. Javni poziv ostaje otvoren do 29. juna 2012. godine.

Održane prezentacije u Komori

SUSRETI PRIVREDNIKA REPUBLIKE ČEŠKE I TK

Poslovnim susretima prisustvovao i ambasador Republike Češke u BiH

Kantonalna privredna komora Tuzla i Ambasada Republike Češke u Bosni i Hercegovini organizovali su prezentaciju čeških kompanija iz energetskeg sektora, rudarstva, mehanizacije i zaštite okoline. Susret sa češkim privrednicima uveličao je svojim prisustvom i Nj.E. Tomáš Szunyog - ambasador Republike Češke u Bosni i Hercegovini. Privrednicima sa područja Tuzlanskog kantona predstavljani su programi ŠKODA-POWER (Doosan Power Systems Europe) „Izvozni program Škoda-Power (Doosan) – moderne tehnologije, kotlovi, parne turbine, itd.“, zatim proiz-



vodni i izvozni programi firme TMashinery, a.s. Ratiškovice" i CZ LOKO a.s., Česka Třebova – proizvođač i izvoznik čeških motornih manevarskih lokomotiva za rudnike". Prezentiran je program „Moderne tehnologije za korištenje energije otpada i biomase“ firme EVECO Brno. Nakon prezentacije kompanija iz energetskeg sektora, rudarstva, mehanizacije i zaštite okoline, upriličena je diskusija a iskustva su razmijenjena i u bilateralnim susretima sa privrednicima iz Tuzlanskog kantona.

Održana Konferencija u Komori

“AKTUELNO STANJE BH EKONOMIJE”

Organizatori – Komora Tuzla i Centralna banka BiH

Kantonalna privredna komora Tuzla u saradnji sa Centralnom bankom BiH Sarajevo, organizovala je konferenciju na temu: "Aktuelno stanje BH ekonomije". Na Konferenciji su održana 4 panela. Na temu „Ekonomski pokazatelji za TK i stanje privrede“ izlagao je mr. sci. Nedret Kikanović, „Stanje globalne ekonomije“ prezentovao je prof. dr. Muris Čičić, Ekonomski fakultet u Sarajevu, o temi „Makroekonomski pokazatelji za BiH, stanje finansijskog sektora“, govorio je dr. sci. Kemal Kozarić, guverner Centralne banke BiH, a o "Stanju bankarskog sektora" izlagao je Almir Šahinpašić, NLB Banka d.d., Tuzla. Kada su u pitanju privredna kretanja u našoj zemlji, kao i u Tuzlanskom kantonu, na Konferenciji su predočeni podaci vezani za prva dva mjeseca ove godine.

„Važno je pomenuti da je industrijska proizvodnja u BiH manja za 9,4%, da bilježimo smanjenje vanjskotrgovinske razmjene od 10,69%. U odnosu na isti period prošle godine, lošija je pokrivenost uvoza izvozom a najznačajniji vanjskotrgovinski partneri su nam Hrvatska, Njemačka i Italija. Bilježimo i pad prosječne isplaćene neto plaće u odnosu na decembar prošle godine ali i povećanje februarske plate u odnosu na isti mjesec 2011. godine. I na području Federacije se bilježi pad industrijske proizvodnje i vanjskotrgovinske razmjene. Privreda Tuzlanskog kantona u prva dva mjeseca 2012. godine je u odnosu na isti period 2011. godine ostvarila rast industrijske proizvodnje od 8.1%, za razliku od Bosne i Hercegovine i Federacije BiH u kojima je zabilježen pad industrijske

proizvodnje“, istakao je u svom izlaganju Nedret Kikanović, predsjednik Kantonalne privredne komore Tuzla. Prezentovao je još i podatke vezane za pokrivenost uvoza izvozom sa područja TK, najznačajnijim robama koje se uvoze i izvoze, neto i bruto platama na području TK po djelatnostima, kao i o broju zaposlenih. "U januaru 2012. godine u Tuzlanskom kantonu je bilo zaposleno ukupno 81.061 osoba, za 2,3% manje u odnosu na prosjek iz 2011. godine, 1% manje u odnosu na decembar 2011. godine. Ukupno 60.549 osoba je zaposleno u privrednom sektoru a 20.512 osoba je zaposleno u javnom sektoru. Prerađivačka industrija i trgovina zapošljavaju najviše osoba", rekao je predsjednik Kikanović.

D.K.



Rad komorskih udruženja ...

SASTANAK U PROŠIRENOM SAZIVU

Sjednica Odbora Udruženja za industriju tekstila, kože i obuće

Na sjednici Odbora Udruženja za industriju tekstila, kože i obuće Kantonalne privredne komore Tuzla, predstavnici Federalnog ministarstva energije, rudarstva i industrije su predstavili dosadašnje aktivnosti na izradi Strategije razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godina, uz napomenu da će ista biti gotova i usvojena do kraja 2012. godine. Cilj izrade Strategije je dati odgovore na brojna pitanja koja su od značaja za ovu industrijsku granu, polazeći od značaja i stanja ove industrijske grane u prijeratnom periodu, utjecaju agresije na promjene u poslovanju privrednih društava, sadašnjeg stanja ekonomije BiH, odnosno FBiH, i težnja države za evropskim integracijama. Prvenstveno je potrebno odrediti namjeru države u oblasti proizvodnje tekstila, odjeće, kože i obuće kako bi svako privredno društvo ili pojedinac, znali koji mu je putokaz i kuda treba da se kreće u svo-

jim poslovnim namjerama. Neophodno je utvrditi potrebe za modernizacijom i restrukturiranjem ove industrijske grane



u tržišnom, kadrovskom, proizvodnom, organizacijskom i tehnološkom pogledu. Izrada Strategije je stekla široku podršku

kako kod vladinih, tako i kod privrednih subjekata. Istaknuta je potreba za praćenje svjetskih tokova u organizaciji proizvodnje i kretanja u ovoj industrijskoj grani. Neophodno je stvoriti uvjete za oživljavanje bazne proizvodnje, razvijati domaće brendove, poboljšati konkurentnost domaćih proizvoda, sistemski riješiti probleme dugovanja prema fondovima, blokade imovine, sudskih izvršenja, obrazovanje kadrova uskladiti sa potrebama privrednika, podsticati istraživanje i razvoj ove industrijske grane i uvođenjem ISO standarda unaprijediti ukupno poslovanje. Članovi Udruženja konstatovali su da je Strategija urađena veoma dobro i da se sa istom može nešto postići u ovoj grani koja je jako ugrožena te da se u cilju animiranja privrednika radi prikupljanja informacija o problematici, te prijedloga i primjedbi, uputiti dopis – upitnik svim privrednim društvima sa Tuzlanskog kantona, u kojem će se tražiti njihovo učešće u dogradnji Strategije.

ODRŽANA SJEDNICA ODBORA

Udruženje za trgovinu, ugostiteljstvo i turizam

Udruženje za trgovinu, ugostiteljstvo i turizam Kantonalne privredne komore Tuzla, održalo je redovnu sjednicu Odbora Udruženja. Razgovaralo se o jačanju inicijative za označavanje objekata u oblasti ugostiteljstva i trgovine na području Tuzlanskog kantona sa većim procentom zastupljenosti domaćih proizvoda. Analiziran je Izvještaj o raspodjeli sredstava po osnovu Programa sufinansiranja mladih osoba bez iskustva "400+" od 27. 4. 2011. godine. Istaknuto je i ovom prilikom kako je neophodno učiniti maksimalne napore za oživljavanje domaće proizvodnje. Već je dobro poznato šta bi to značilo kada su u pitanju i radna mjesta, i status trenutno uposlenih, koliko bi značaja bilo za društvo u cjelini. Posebno, ako se ima u vidu da je svijest građana o kupovini domaćeg proizvoda sve izraženija. Zaključeno je da treba intenzivirati sve aktivnosti kako bi se realizovala inicijativa o označavanju onih objekata u kojima su u većoj mjeri zastupljeni domaći proizvodi. S tim u vezi, apeluje se na Ministarstvo za trgovinu, saobraćaj i turizam Tuzlanskog kantona, da u doz-

voljenim okvirima, podrži i pokrene aktivnosti kako bi se ova inicijativa provela u djelo. I ovom prilikom je istaknuta loša saradnja sa Službom za zapošljavanje Tuzlanskog kantona, posebno kada je u



pitanju uvid u raspodjelu sredstava po osnovu Programa sufinansiranja mladih osoba bez iskustva "400+". "Mi smo nekoliko puta upućivali zahtjev da nam se da na uvid izvještaj o ovom programu.

Nismo uspjeli uspostaviti skoro nikakvu saradnju sa ovom Službom, pa smo pokrenuli neke druge aktivnosti i došli u posjed ovih informacija. Moram istaći da postoje mnoge nelogičnosti i kod ove nepotpune informacije. Nigdje nije objavljeno ko i zašto nije ispunio kriterije konkursa niti je ponuđeno ikakvo obrazloženje zašto neko jeste zadovoljio na konkursu. Smatram da je došlo do nelogičnog i netransparentnog trošenja sredstava po ovom Programu, te da se neće postići željeni efekti. To ističemo temeljem činjenice da se za konkurs od aplikantata nisu tražili podaci o redovnom ispunjavanju svih obaveza prema državi, s jedne strane. S druge strane, više nego nelogično zvuče podaci iz Informacije da je jedan caffe-bar zaposlio automehaničara, da se u građevinskoj firmi zaposlio prehrambeni tehničar, da u pizzeriji zapošljavaju poljoprivrednog tehničara, u trgovinskoj radnji je zaposlen hemičar, itd.", istakao je Kasim Selimović, predsjednik Odbora Udruženja.

D.K.



Iz Udruženja za trgovinu, ugostiteljstvo i turizam

“NEMA UKIDANJA PUTNIČKE TAKSE”

Privrednici za privatni sektor u zdravstvu – Firme članice Komore na sajamskim manifestacijama u zajedničkim izložbenim postavkama

Udruženje za trgovinu, ugostiteljstvo i turizam Kantonalne privredne komore Tuzla, održalo je sjednicu Odbora Udruženja u proširenom sastavu. Razgovaralo se o značaju privatne prakse u zdravstvu za privredna društva na području Tuzlanskog kantona. Članovi Odbora su iznijeli svoje stavove vezane za ovu temu i izrazili podršku ubrzanju procesa dovođenja privatne prakse u zdravstvu u ravnopravan položaj sa javnim zdravstvom. Kasim Selimović, predsjednik Odbora Udruženja, govorio je o značaju jednog ovakvog procesa za privrednike na području Tuzlanskog kantona ali i generalno u Bosni i Hercegovini. Dr. Almir Azabagić iz Privatne ordinacije porodične medicine “Salus” Tuzla, predočio je određena iskustva iz regiona i sa Zapada, kada je u pitanju privatni sektor. **“Realizaciji ovog projekta na kojem se već dugo radi na nivou ljekarskih komora i drugih organizacija, mnogo može doprinijeti jedan organizovan nastup i zajednički stav privrednika, dakle, onih čija sredstva pune Fond zdravstvenog osiguranja. Značajno je da pacijenti, dakle, građani okupljeni u razna udruženja, organizacije, asocijacije, iznesu svoje stavove, ocijene uslugu koju plaćaju. S tim u vezi izražavam zahvalnost Kantonalnoj privrednoj komori Tuzla što je pokrenula ovu inicijativu i nadamo se da će u narednom periodu dati doprinos ubrzanju ovog procesa”**, izjavio je dr. Almir Azabagić.

Firme okupljene u privredne komore, brojna udruženja privrednika mogu stvoriti jednu kritičnu masu koja će poduzeti sve aktivnosti kako bi došlo

do realizacije jednog veoma značajnog projekta za privredu: **“Mi imamo brojne razloge zbog kojih želimo dovesti privatni sektor u ravnopravan položaj sa javnim. Od velikog značaja je da naši radnici mogu dobiti brzu i kvalitetnu zdravstvenu zaštitu i na taj način, pored ličnog zadovoljstva, doprinijeti kvalitetnijem funkcionisanju privrednog subjekta u kojem ostvaruju lični dohodak, smanjenje odsustva sa posla i na druge načine. Učinit ćemo u narednom**



periodu dodatne aktivnosti na ovom planu. Animirat ćemo resorna ministarstva, brojna udruženja građana, asocijacije privrednika, Ljekarsku komoru, udruženja potrošača i sve one koji žele dati svoj doprinos zaživljavanju jednog projekta i prakse, sasvim normalnih i već ustaljenih na Zapadu. I ovo je jedan od načina da dođemo do željenog cilja i pozivamo sve koji žele da smanje gubljenje vremena u čekaonicama domova zdravlja da nam se priključe”, istakao je Kasim Selimović, predsjednik Odbora Udruženja. Razgovaralo se i o učešću firmi članice Komore na sajamskim manifestacijama u zajedničkim izložbenim postavkama koje organizuje

Kantonalna privredna komora Tuzla. Istaknute su sajamske manifestacije koje očekuju privrednike do kraja godine i dogovoreni organizovaniji i kvalitetniji nastupi. Bilo je riječi i o zabuni koju je u javnost unijela nepravilno interpretirana informacija o ukidanju taksi na Međunarodnom aerodromu Tuzla: **“Imamo velike probleme zato što je površno i nepravilno, putem brojnih medija u javnost plasirana informacija o ukidanju taksi. Mi smo kao Golden**

Tours jedini subjekat koji radi na oživljavanju tuzlanskog aerodroma, jedini organizujemo charter letove i to nam je stvorilo veliku pometnju. Naši putnici očekuju određene povrate novca a u pitanju je ukidanje federalne takse koju naknadnouplaćuju aviokompanije Federalnoj vladi. Dakle, nije riječ o ukidanju putničke takse. Dalje, ozbiljni su problemi kada je u pitanju rad granične

policije na Aerodromu Tuzla. Kasne nam letovi zbog nepravilnosti u radu, odnosno, u pregledu putnika koji traje znatno duže nego je planirano. Nismo mi krivi što granična policija, banalna je to stvar, nema dovoljno papuča da pri izuvanju putnika svakom putniku dodijeli po jedan par, nego ih sve izuva u jedan par papuča. To je nepotrebna, nepravilna i veoma dugotrajna procedura koja u konačnici nas skupo košta. Mi sva kašnjenja na našem aerodromu moramo platiti”, naglasio je Asim Bečić, član Odbora Komorskog udruženja i direktor TA “Golden tours” Tuzla.

D.K.



“Podsticaj za poljoprivredu” ...

“OD NAŠEG POLJA DO NAŠEG STOLA”

Prijedlog izmjena Programa utroška sredstava – Dopis Federalnom ministarstvu

Na sastanku Odbora grupacije proizvođača komposta i gljiva TK-a, pri Udruženju za poljoprivredu i prehrambenu industriju Kantonalne privredne komore Tuzla, razmatran je Program utroška sredstava s kriterijima raspodjele sredstava “Poticaji za poljoprivredu”, pod nazivom “Od našeg polja do našeg stola”, koji je usvojila Federalna vlada na svojoj 49. sjednici. S obzirom da proizvođači komposta i gljiva nisu bili u prilici da daju svoje prijedloge na Program, kada je bio u fazi prijedloga – Prijedlog Programa je bio nedostupan proizvođačima, koristili su svoje pravo organiziranih privrednika, da kao grupacija organizirana u Kantonalnoj privrednoj komori Tuzla, daju Prijedlog izmjena i dopuna na usvojeni Program utroška sredstava s kriterijima raspodjele sredstava “Poticaji za poljoprivredu” pod nazivom “Od našeg polja do našeg stola”. Da bi podstakli domaću proizvodnju komposta i gljiva, učinili je konkurentnom na tržištu, omogućili domaćim proizvođačima komposta i gljiva da povećaju obim proizvodnje zapošljavanjem stanovništva, te indirektno uticali na ekonomsku održivost ratarske i peradarske proizvodnje korištenjem nji-

hovitih nus proizvoda koji zagađuju okoliš, članovi ove grupacije su predložili sljedeće izmjene i dopune Programa utroška sredstava s kriterijima raspodjele sredstava “Poticaji za poljoprivredu”, pod stavkom:

A/ MODEL POTICAJA PROIZVODNJI

A/1 BILJNA PROIZVODNJA

1. Proizvodnja ratarskih, povrtlarskih kultura i gljiva
 2. Proizvodnja gljiva
 - Klijenti koji se bave uzgojem gljiva ostvaruju pravo na podsticaj ukoliko u toku godine u proizvodnji iskoriste više od 50 t komposta (odgovara proizvodnji većoj od 10 t gljiva).
- a) 80,00 KM/t - korištenog domaćeg komposta
 - b) 40,00 KM/t – korištenog uvoznog komposta

Na ovaj način podsticanja u proizvodnji gljiva ostvario bi se cilj po kome i Program nosi ime tj. “Od našeg polja do našeg stola”.



Ukoliko bi se podsticaji u proizvodnji gljive realizirali po usvojenom Programu FBiH vlade tj. 0,5 KM/kg prodate gljive, postoji velika opasnost da bi to, ustvari, bio podsticaj za proizvođače komposta i gljiva iz Mađarske i Italije.

Predložene izmjene i dopune na usvojeni Program utroška sredstava s kriterijima raspodjele sredstava “Poticaji za poljoprivredu” pod nazivom “Od našeg polja do našeg stola” omogućavaju i jednostavnu kontrolu klijenata – korisnika novčanih podsticaja proizvodnji gljive u 2012. godini, navedeno je u dopisu resornom federalnom ministru.

Odbor Grupacije proizvođača komposta i gljiva TK

GLJIVARI ZADOVOLJNI SARADNJOM SA MINISTARSTVOM

Prijedlog izmjena i dopuna Prijedloga programa utroška sredstava za novčane podrške u primarnoj poljoprivrednoj proizvodnji u 2012. godini

Na sastanku Odbora Grupacije proizvođača komposta i gljiva TK-a u Kantonalnoj privrednoj komori Tuzla, zaključeno je da su dosadašnji podsticaji resornog Kantonalnog ministarstva na razvoju i konkurentnosti gljivarstva, dali vrlo značajne efekte u ovoj proizvodnji. Okupljeni u ovu Grupaciju smatraju da će dostignuti rezultati u proizvodnji komposta i uzgoju gljive biti još uspješniji ukoliko u ovom Ministarstvu prihvate Prijedlog Grupacije. U Prijedlogu se navodi sljedeće:

Za uzgoj gljiva (šampinjon, bukovača, šitaki) iznosi 60 KM/toni komposta (supstrata) korištenog za uzgoj, do 50 t komposta godišnje.

Za proizvodnju komposta (supstrata) da podsticaj iznosi 60 KM/toni proizvedenog komposta (supstrata).

Predlažemo da podsticajima budu obuhvaćeni uzgajivači gljiva koji

u jednom proizvodnom ciklusu minimalno koriste jednu tonu komposta (supstrata), odnosno proizvođači komposta (supstrata) proizvedu jednu tonu komposta (supstrata).



Domaća proizvodnja komposta postala je vrlo značajna sa stanovišta zapošljavanja ljudi, proizvodnje zdrave hrane, zaštite i očuvanja prirodne sredine. Smatramo da je neophodno da se proizvodnja komposta uvrsti u novčane podrške u 2012. godini.

S obzirom na dosadašnju dobru saradnju, u Grupaciji očekuju da će u Ministarstvu imati razumijevanja za ove prijedloge, navedeno je u dopisu iz ove Grupacije resornom kantonalnom ministru.

D.K.



Dopis kantonalnom ministru ...

GRUPACIJA PROIZVOĐAČA SJEMENA I SADNOG MATERIJALA TK

Prijedlog izmjena i dopuna Prijedloga Programa utroška sredstava za novčane podrške u primarnoj poljoprivrednoj proizvodnji u 2012. godini

Na sastanku Odbora Grupacije proizvođača sjemena i sadnog materijala TK-a, pri Udruženju za poljoprivredu i prehrambenu industriju Kantonalne privredne komore Tuzla, utvrđeno je da su subvencije za proizvodnju sadnog materijala u Federalnom programu novčanih podrški umanjene, bez obzira što su ukupna sredstva za novčane podrške u primarnoj poljoprivrednoj proizvodnji znatno povećana. Da bi zadržali dostignutu proizvodnju, konkurentnost na tržištu i uposlenost u proizvodnji sjemenskog i sadnog materijala, te ukupne noćarske proizvodnje na TK-a, Odbor Grupacije proizvođača sjemena i sadnog materijala TK-a, predlaže da se u Kantonalnom programu utroška sredstava za novčane podrške u primarnoj poljoprivrednoj proizvodnji u 2012. godini, uvrste sljedeće mjere novčane podrške:

1. Subvencija za proizvodnju i nabavku podloga za kalemljenje jabučastog i koštičavog voća u iznosu od 0,10 KM/komadu;
2. Subvencija za podizanje zasada voća u površini od 0,3 do 1 ha u iznosu od 3.500,00 KM/ha;
3. Regresiranje kamata na investicijske kredite u primarnoj proizvodnji i prehrambenoj industriji (objekti i oprema) zadrži na ranijem nivou između 2 i 8,5%;



4. Da se u regresiranje kamata na investicijske kredite u poljoprivrednoj proizvodnji uključe i krediti koji su namjenski utrošeni, MKF koje odobravaju kredite sa kamatama na nivou banaka (do 10%);
5. Subvencije za proizvodnju kontejnerskih i frigo sadnica jagode u iznosu od 0,10 KM/kom;
6. Da se u stavci H) "Participacija u realizaciji projekata novih tehnologija od interesa za primarnu poljoprivrednu proizvodnju" uvede podstavka:
 - a) Participacija projekta "Proizvodnja bezvirusnog super elitnog sadnog materijala jagodastog voća iz tkiva meristema" u iznosu 15.000,00 KM.

Ukoliko bi ovi prijedlozi bili uvaženi, zadržala bi se liderska uloga u proizvodnji sadnog materijala i voća u širem regionu, očuvala bi se i radna mjesta uposlenih u ovoj branši, stoji u dopisu Grupacije resornom kantonalnom ministru.

PREZENTACIJA FIRME "SPANTEC" NJEMAČKA

Udruženje za građevinarstvo i industriju građevinskih materijala Kantonalne privredne komore Tuzla u saradnji sa Društvom za geotehniku BiH, organizovalo je prezentaciju firme "Spantec" Njemačka. Firma SPANTEC Spann- & Anker-technik GmbH je osnovana 2009. godine i član je BAUER Konzerna. Firma je smještena na jugu Njemačke, u bavarskom gradu Schrobenhausen, udaljenom od Minhena 80 km / Ingolstadta 25 km, te ima ispostave u sjevernonjemačkom gradu Oldenburgu i istočnonjemačkom Dresdenu. Visoka stručna kompetencija, znanje i višegodišnje iskustvo stručnih kadrova i vrijednih radnika, te poštivanje europskih i njemačkih pravila, propisa i tehničkih dopuštenja, odlikuju ovu firmu. Firma SPANTEC je specijalizirana u geotecnici i proizvodi su joj: stijenska i zemljana sidra od čelične užadi (trajna, polutrajna i privremena) System BAUER, System SPANTEC, štapna sidra (trajna i privremena), samobušeca sidra: System "MAI", System "TITAN", piloti i mikropiloti od štapnog čelika: System BAUER, System SAH, stijenski i zemljani čavli (trajni i privremeni), piloti iz duktilnih zabijenih cijevi (materijal iz ljevanog željeza), sklopna sidra, oprema za prednapinjanje i mjerenje snage, geotekstilna crijeva za pilote i mikropilote, itd ... koji se primjenjuju u: specijalnoj niskogradnji, vodogradnji, mostogradnji, cestogradnji, tunelogradnji, rudarstvu, itd...



D.K.

Izdavanje ATA karneta DRUGI OBRAČUNSKI PERIOD

Od kraja februara počelo je izdavanje ATA karneta i u Mostaru, Banjoj Luci i Tuzli. Vanjskotrgovinska komora Bosne i Hercegovine, koja konstantno poboljšava svoje usluge, osigurala je uvjete da postojeći i budući korisnici ATA karneta sve zahtjeve koji se odnose na izdavanje ATA karneta, dodatnih listova, pružanja informacija o ATA sistemu i drugo, počev od 27. 2. 2012. godine, mogu po vlastitom izboru mjesta podnošenja zahtjeva ili obraćanja, u cijelosti regulirati u Sarajevu, Mostaru, Tuzli i Banjoj Luci. Podizanje dokumenta vrši se na mjestu gdje je zahtjev i podnesen.

"Kada su u pitanju izdati ATA karneti i dodatni listovi u drugom obračunatom periodu izdavanja, dakle, od kraja aprila do kraja maja 2012. godine, značajno je pomenuti da je u naš Ured pristiglo 47 zahtjeva. Među tim zahtjevima su bila 33 zahtjeva za izdavanje ATA karneta i 14 zahtjeva za izdavanje dodatnih listova za ATA karnet. Od 33 zahtjeva za izdavanje ATA karneta 19 zahtjeva su podnijela fizička lica iz sljedećih opština: Brčko Distrikt, Tuzla, Lukavac, Kladanj, Srebrenik, Bijeljina, Kalesija, Gradačac, Šamac, Gračanica, Srebrenik, a 14 zahtjeva su podnijele firme iz Kladnja, Brčko Distrikta, Tuzle, Srebrenika, Modriče, Gradačca, Živinica, Brčkog, Kalesije, Bijeljine i Tešnja. 12 fizičkih lica podnijelo je zahtjev za izdavanje dodatnih listova, a ostala 3 zahtjeva stigla su ispred privrednih društava", izjavila je Suada Rekić stručni saradnik u Uredu za pružanje informacija o ATA sistemu i izdavanje ATA karneta Vanjskotrgovinske komore u Tuzli. Sve dodatne informacije, kao i potrebne upute o ATA sistemu i obrasce, zainteresirani mogu pronaći na web stranici Vanjskotrgovinske komore BiH www.komorabih.ba ili direktno – na osnovu dole navedenih kontakt informacija kao i u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla – Trg slobode bb – 75000 Tuzla – Tel/fax. +387/35/258-266 i Fax: +387/35/258-271, e-mail: ataz@komorabih.ba – kontakt osoba: Suada Rekić.

 Solana[®]
Tuzla
Okušitel sa tradicijom



Moj Naj Začin
PRODUCT BY SOLANA

Nova ulaganja EP BiH u rudnike ...

RUDNICI UGLJA "KREKA" DOBILI OKOLINSKU DOZVOLU

U rad pušten remontovani bager SRS 402

Rudnici uglja "Kreka" Tuzla prvi su u Federaciji BiH koji imaju okolinsku dozvolu. Proces dobijanja dozvole okončan je završetkom postupka u Rudniku "Dubrave". Zbog velike površine na kojoj se prostire, jer zahvata prostor tri općine, Tuzlu, Živinice i Kalesiju, proces dobijanja okolinske dozvole u Rudniku "Dubrave" bio je vrlo složen. Ipak, proces je uspješno okončan. U ovom rudniku u protekle tri godine pušten je sistem za prečišćavanje otpadnih voda, dobijene su "vodne" dozvole i tako zadovoljeni uvjeti potrebni za dobijanje okolinske dozvole, javila je Fena. Da bi bili zadovoljeni visoki ekološki standardi u rudnicima uglja „Kreka“ redovno se vrše mjerenja i analize kvaliteta vode i tla. U Rudniku "kreka" Tuzla, zabilježena je još jedna svečanost. Naime, premijer

Federacije BiH Nermin Nikšić, generalni direktor Elektroprivrede Bosne i Hercegovine, Elvedin Grabovica, i direktor Rudnika "Kreka" Tuzla, Rešad Husagić, svečano su pustili u rad remontovani bager na platou Rudnika "Dubrave" kod Tuzle. Ovo je jedini bager u "Krekinim" rudnicima koji ima novi upravljačko-informacioni sistem, čime se nastavlja modernizacija rudnika na ovim prostorima, izvijestila je eKapija.ba. Ostvarivat će prosječnu proizvodnju od 800 kubnih metara čvrste mase po satu, što bi ukupnu otkrivku trebalo povećati za 25 posto. Remont bagera izvršio je konzorcij domaćih kompanija. To su "Remontmontaža" Tuzla, "Bosna Niles" Lukavac, "BNT Hidraulika" Novi Travnik, "Elkom" Tuzla i "Deling" Tuzla. Javno preduzeće Elektroprivreda BiH do sada je u rudnike "Kreka" uložila

gotovo 19 miliona konvertibilnih maraka, a ulaganja se nastavljaju. Osim na remont bagera za potrebe Rudnika "Dubrave", novac je utrošen na remont bagera u Rudniku "Šikulje", remont kompleksa samohodne podgrade za široko čelo, nabavku mašine za izradu jamskih prostorija, gumenu transportnu traku i eksproprijaciju zemljišta.



"DELING" DOO TUZLA GRADI SOPSTVENU SOLARNU ELEKTRANU



Povodom započetog projekta izgradnje fotonaponske elektrane na krovovima svojih proizvodnih objekata, ministar industrije, energetike i rudarstva, Željko Knežiček, je danas kompaniji Deling d.o.o. iz Tuzle uručio Potvrdu o pokretanju procedure dodjele koncesije na korištenje sunčeve energije. Kako je istaknuto na današnjem sastanku, fotonaponski moduli ukupne snage 149 kWp će biti montirani na krovovima postojećih objekata u vlasništvu Delinga, a proizvedena električna energija će prije svega biti korištena za proizvodne potrebe ove kompanije, dok će preostali dio biti usmjeren u elektroenergetski sistem Federacije Bosne i Hercegovine, saopćilo je Odjeljenje za informisanje

Vlade Tuzlanskog kantona. Deling, inače renomirana kompanija koja se bavi projektovanjem i proizvodnjom sredjenaponskih i niskonaponskih postrojenja i razvodne opreme, kao i montažom jake i slabe struje na industrijskim i javnim objektima i elektroenergetskim postrojenjima, je koncesiju za korištenje sunčeve energije tražila na 25 godina. U ime Delinga potvrdu je primio Enis Nišić, tehnički direktor ove kompanije. Pokretanje ovih aktivnosti još jednom potvrđuje stratešku orijentiranost Vlade Tuzlanskog kantona ka povećanju stepena energetske učinkovitosti Tuzlanskog kantona i korištenja obnovljivih izvora energije.

GIKIL NA SUSRETU PRIVREDNIKA PREZENTIRAO NOVI PROJEKT

Global Ispat koksna industrija Lukavac, prezentirala je na susretu privrednika Tuzlanskog kantona novi projekat, a to je modernizacija proizvodnje električne energije u GIKIL-u – "Nova energana". Skupu je prisustvovao veći broj privrednika sa područja Tuzlanskog kantona kao i resorni ministar Željko Knežiček. Novi projekat u GIKIL-u prezentirao je Guntupalli Jagannadham, generalni direktor kompanije, koji se na samom početku osvrnuo na uspjehe GIKIL-a, u proteklih osam godina od kada je kompanija ponovo pokrenuta. – GIKIL je svjetski proizvođač koksa koji izvozi širom svijeta, a fabrika đubriva Azotara, koja ove godine obilježava 50 godina postojanja i rada, povećala je svoju proizvodnju u odnosu na prošlu godinu. Moram reći i da sam

ponosan što kao svjetska kompanija pratimo japansku TPM metodologiju i dobitnici smo jedne od TPM nagrade. Zadovoljstvo mi je bilo što se bosanska zastava jedan cijeli dan vijorila u Japanu – istakao je Jagannadham, prenosi Bosanska medijska grupa. Prilikom prezentacije Jagannadham je istakao da je GIKIL proizvođač broj dva električne energije, dodajući da se električna energija nakon interne upotrebe izvozi u mrežu elektro-



distribucije. GIKIL-ov novi projekat odnosi se na modernizaciju proizvodnje električne energije, odnosno pokretanje nove energane u okviru koje bi bile usaglašene dvije tehnologije: prečišćavanje koksnog gasa i efikasna proizvodnja električne energije – Riječ je o potpunoj transformaciji načina proizvodnje energije. U budućnosti planiramo povećati proizvodnju, a u potpunosti smanjiti zagađenje. Investicija u ovaj projekat iznosi preko 58 miliona eura, a ukupni neto prihodi 13,6 miliona eura. Na ovaj način povrat investicije bi se desio u periodu od 4,3 godine – objasnio je Jagannadham, te dodao da je jedan od osnovnih ciljeva ovog projekta čist okoliš.

D.K.



Direktor firme "Beko" za Balkan posjetio "Omega"

"OMEGA" OZBILJAN I DUGOROČAN PARTNER

Fokus na "Beko", "Grundig" high-end brend "Blomberg"

U radnoj posjeti partnerskoj firmi "Omega" d.o.o. Živinice boravio je Arel Atakol, regionalni direktor prodaje firme "Beko" za Balkan. U pratnji Edima Džambića, generalnog direktora "Omega" d.o.o. Živinice, obišli su prodajne objekte firme i upriličili sastanak na kojem se razgovaralo o razvoju i poziciji brenda "Beko" te saradnji sa firmom "Omega". **"Beko od 2002. godine, kada je lansiran na tržište BiH, konstantno bilježi rast na ovom tržištu. Od početka smo bili fokusirani na bijelu tehniku, a od 2009. godine smo fokus prebacili i na male kućanske aparate. Zadovoljni smo dosadašnjim tokom poslovanja i saradnjom sa firmom "Omega" d.o.o., našim partnerom u BiH. To je veoma jak i kvalitetan partner i veoma značajan privredni subjekt kada je u pitanju tržište Bosne i Hercegovine i nema sumnje da su u našim planovima za budućnost i da namjeravamo nastaviti saradnju sa "Omegom"**, istakao je na sastanku u Tuzli Arel Atakol, regionalni direktor prodaje firme "Beko" za Balkan.

Istaknuto je veliko zadovoljstvo pozicijom brenda "Beko" na tržištu Bosne i Hercegovine, posebno imajući u vidu da je Beko jedan od vodećih brendova u BiH. **"Mi svakako smatramo "Beko" brendom broj 1 na ovom tržištu, što nam govore i poslovne analize te pokazatelji prodaje. Svjesni smo da imamo jaku konkurenciju ali planiramo uložiti još veće napore da bismo popunili sve praznine između nas i konkurenata na tržištu. Povećat ćemo prodaju i prisutnost na tržištu otvaranjem novih Beko shopova te razvojem distributivne mreže u zemlji, a time ćemo povećati razlike između nas i naših najbližih konkurenata"**, istakao je direktor Atakol. Govoreći o uticaju svjetske ekonomske krize na "Arcelik grupaciju" te sam brend Beko u BiH, direktor Atako je istakao da je globalna kriza uticala na sve kompanije, pa tako i na grupaciju "Arcelik". Naglašeno je



da taj uticaj nije bio toliko jak u odnosu na neke konkurente pa je "Beko" nastavio rast u cijelome svijetu, iako stopa rasta nije bila visoka koliko se očekivalo. **"Ipak, zabilježena je mnogo viša stopa rasta u odnosu na druge proizvođače. Kriza je imala uticaja i na Beko u BiH, ali to nije spriječilo brend u njegovom daljem rastu"**, rekao je na kraju Arel Atakol, regionalni direktor prodaje firme "Beko" za Balkan.

Edim Džambić, generalni direktor "Omega" d.o.o. Živinice nije krio zadovoljstvo pos-



jetom istaknutog predstavnika grupacije "Arcelik" i za "Omegu" veoma značajnog poslovnog partnera: **"Veoma smo zadovoljni, ne samo posjetom nego i svime što smo mogli čuti od direktora Atakola. Nama je od velike važnosti podatak da jedan ovako veliki i u evropskim okvirima značajan privredni subjekt, u nama prepoznaje ozbiljnog, kvalitetnog i profesionalnog poslovnog partnera i da smo u njihovim krupnim planovima za budućnost. Ovo govorim temeljem svega onoga što je zaključak posjete i našeg radnog sastanka, a to je podatak da u ovoj značajnoj grupaciji planiraju još kvalitetnije pokriti cijelo tržište Bosne i Hercegovine, otvaranjem novih shopova. Pored toga, planiraju osvojiti tržište boljim performansama drugog brenda "Grundig", a fokusirat će se u narednom periodu i na high-end brend "Blomberg", koji predstavlja premium brend. Putem naše kuće, plan je zadovoljiti klijente u Bosni i Hercegovini boljim performansama, nivoom cijena na koji su naviknuti te prisutvom u svakom dijelu države. Raduje nas da sve ovo planiraju zajedno sa nama i da firmu "Omega" smatraju dugoročnim partnerom"**, istakao je Edim Džambić, generalni direktor "Omega" d.o.o. Živinice.

D.K.



U svim BEKO shopovima

za VRUĆE LIETNE dane,
pravo osvježanje !!!



BEKO KLIMA BXK 120

555,-
KM

Uz BEKO klimu dobijete set bakarnih cijevi za montažu
Bina čete izbjeći dodatne troškove ugradnje

BEKO
Smart Generation



Značajna događanja za "Pivaru" d.d. Tuzla ...

SVEČANO OTVORENA "PIVNICA TAVERNA"

"Pivnica Taverna", kulturno-historijsko naslijeđe Tuzle – Potvrđen kvalitet poslovanja – Tuzlanska pivara dobila certifikat ISO 14001 – Poslovanje sa međunarodno priznatim normama



Nakon dvadeset godina, Tuzlanska pivara je juna 2012. godine svečanom ceremonijom gostima otvorila vrata svoje "Pivnice Taverna". Pivnicu su simboličnim presijecanjem vrpce pred oko 200 zvanica otvorili Sead Čaušević, premijer Tuzlanskog kantona, Jasmin Imamović, načelnik Općine Tuzla i Adnan Imerović, direktor Pivare Tuzla. "Ovo je još jedna lijepa vijest koja dolazi iz Tuzle. Fabrika piva kao i ova Pivnica dio su kulturno-historijskog ali i industrijskog naslijeđa Tuzle. Ova obnovljena Pivnica je na vrlo zavidnom arhitektonskom nivou i sigurno je najbolji restoran u Tuzli i jedan od najboljih koji imamo u Bosni i Hercegovini. To je dostizanje visokih standarda u arhitekturi, u načinu života, to je poštovanje tuzlanske tradicije, i ovo je nama puhanje u njedra u našoj namjeri da razvijemo turizam", istakao je na svečanom otvaranju Jasmin Imamović, načelnik Općine Tuzla.

Prema riječima Adnana Imerovića, prenosi BMG, zahvaljujući arhitektonskom projektom birou Radionica Tuzla, došlo se do idealnog rješenja dizajniranja Pivnice. **MF Building style proveo je ono što smo zacrtali. "Moja banka" je to pratila sa kreditnom linijom, a dioničari su vjerovali u ovaj projekt kao ni u jedan drugi. Uposlenici Pivare, svakim danom bdjeli su nad ovim projektom. Malo nam je bila i čudna ta emotivna vezanost naših uposlenika za Pivnicu. Ista je to emotivna veza kakvu građani Tuzle imaju sa Pivnicom. Ali sada znamo i zašto je to tako. Pivnica je ovdje sinonim za ona najbolja vremena. Mi je danas otvaramo. Svi mi zajedno. I nadam se da će ovo biti dobar znak da su ta dobra vremena konačno došla**", rekao je u svom obraćanju Adnan Imerović, direktor Pivare Tuzla. Objekat u kojem se nalazi "Pivnica Taverna" sagrađen je 1884. godine. Jednogodišnja rekonstrukcija, koja je koštala više od 800.000 maraka rezultirala je izvanrednim rješenjima koja su sačuvala rustikalni stil, duh prošlosti izražen kroz kombinaciju kamena, cigle i punoga drveta, spajajući ga sa najkvalitetnijom ugostiteljskom ponudom, koju su precizno osmišljavali timovi kuhara. Poseban čar za sve posjetitelje je da u Taverni mogu konzumirati nefiltrirano lager pivo, koje stvara jedinstven događaj svim ljubiteljima piva. Specijalitet kuće je originalna kobasica koja je napravljena u suradnji sa tuzlanskim Menpromom. "Pivnica Taverna" ima kapacitet 132 mjesta, s tim, što će u ljetnim danima imati na raspolaganju još 50 u ljetnoj bašti.

D.K.

TUZLANSKA PIVARA DOBILA CERTIFIKAT ISO 14001

Tuzlanska pivara okončala je proces uvođenja sistema upravljanja kvalitetom ISO 14001, te potvrdila certifikate HACCP i ISO 9001, čime je uskladila svoje poslovanje sa međunarodno priznatim normama. Kompanija TÜV SUD Sava iz Slovenije, obavijestila je menadžment da je Tuzlanska pivara dobila ISO certifikat, a da će zvanična dodjela uslijediti naknadno. Tuzlanska pivara je, istrajavajući na podizanju kvalitete svojih proizvoda, proteklih godina dobila niz međunarodnih potvrda za kvalitetu svojih proizvoda. Zahtjeve tržišta Menadžment ove kompanije pratio je uvodeći nove proizvode, među kojima su se nametnuli Tuzlansko Premium crno pivo, Premium radler lemon lako pivo, Erster, te program sokova Ledena. Strateški pristup tržištu pokazao se kao dugoročno ispravan i opravdan, što su potvrdili izvještaji o plasmanu proizvoda koji govore da je Tuzlanska pivara jedina imala rast prodaje u vrijeme recesije. Dobijanje ISO certifikata samo je logičan slijed uspjeha i rada na podizanju kvalitete poslovanja: – Izuzetno velike investicije u redizajn ambalaže, marketinški nastup, usavršavanje procesa proizvodnje, te u uvođenje novih proizvoda i njihov izlazak na tržište, bili su mač sa dvije oštrice. Međutim, pokazalo se još jednom da je ekonomska kriza izazov. Naše odluke i zaista veliki napori urodili su plodom i sada dolazimo u poziciju da se proširujemo – uskoro se završava objekat Pivnice, a moći ćemo planirati i nova upošljavanja. Dobijeni ISO certifikat, bit će zasigurno motiv više da istrajemo, kazao je Adnan Imerović, direktor Pivare Tuzla. Analitički pokazatelji govore da se povećanje proizvodnje i plasmana roba tuzlanske pivare u posljednjoj godini kreće u nivou oko petnaest procenata. U menadžmentu ističu da je to povećanje uzrokovalo značajnije učešće proizvoda pivare u prodaji na tuzlanskoj regiji, ali i izuzetno veliko povećanje prodaje u Sarajevskom i Zeničko-dobojskom kantonu, te Republici Srpskoj. U tome periodu napravljen je značajan pomak na ostvarivanju izvoza.



Uspjesi firmi članica Komore...

ZLATNI PROIZVODI IZ TUZLANSKE MLJEKARE

Proizvodi tuzlanske mljekare nagrađeni u Novom Sadu – Otvorena Hladnjača u Voćnom rasadniku Srebrenik

Na 79. međunarodnom poljoprivrednom sajmu, koji je održan od 12. do 18. 5. 2012. godine u Novom Sadu, Prerada i promet mlijeka, d.d. Tuzla za kvalitet svojih proizvoda primila je veliku zlatnu medalju za jogurt Dar prirode 2,8% m.m. 1 l i zlatnu medalju za mileram Dar prirode 20% m.m. 410 g. Na Sajmu se predstavilo 1.500 izlagača iz 58 zemalja svijeta, čiju je ponudu proizvoda i usluga pogledalo 270.000 posjetilaca Sajma.

U toku Sajma podijeljena su i osvojena odličja za kvalitet proizvoda, koji su bili nagrađeni u skupini proizvoda od mlijeka, sireva i sladoleda, gdje je svoje proizvode prezentovala i Prerada i promet mlijeka iz Tuzle. Komisija je ocjenjivala ukupno 116 proizvoda od 30 proizvođača i nagradila 113 proizvoda. Među nagrađenim proizvodima su i proizvodi Prerada i promet mlijeka, d.d. Tuzla, koji su primili sljedeća priznanja: VELIKA ZLATNA MEDALJA: Jogurt Dar prirode 2,8% m.m. 1 l i ZLATNA MEDALJA: Mileram Dar prirode 20% m.m. 410 g. Os-

vojene medalje su potvrda kontinuiranog rada na kvalitetu proizvoda, koje slijedi temeljnom usmjerenju: proizvodnja visokokvalitetnih i zdravstveno ispravnih proizvoda, utemeljenih na dobroj proizvođačkoj praksi i načelima upravljanja kvalitetom i



sigurnosti hrane za zadovoljstvo i zdravlje naših potrošača, izvještavaju iz ureda za odnose sa javnostima firme "Prerada i pro-

met mlijeka" d.d. Tuzla. Primljena priznanja veliki su poticaj za daljnji rad. Tečni jogurt Jogurt Dar prirode 2,8% m.m. 1 l je proizvod dobijen fermentacijom pasterezovanog mlijeka 2,8% mliječne masti sa čistim kulturama termofilnih mliječnokiselinskih mikroorganizama koji transformišu mliječni šećer do mliječne kiseline. To je tečni fermentirani proizvod prijatnog, blago kiselog okusa i homogene umjereno guste tečne konzistencije. Mileram Dar prirode 20% m.m. 410 g ima prirodan sadržaj vitamina rastvorljivih u mastima – A, D i E i sadržaj mineralnih materija u mlijeku – kalcija (Ca), fosfora (P), kalija (K) i magnezija (Mg). Posjeduje finu mazivost i punoću okusa kojeg daju mezo-filne bakterije mliječno-kiselinskog vrenja u procesu fermentacije. Osim za mazanje na nama omiljenim pecivima, jako je pogodan i kao dodatak svim jelima. Na pakovanju ima zaštitni PVC poklopac koji omogućava po otvaranju njegovo čuvanje na propisanom temperaturnom režimu, bez mogućnosti primanja stranih mirisa.

IZGRADNJA POSLOVNOG OBJEKTA – HLADNJAČA

Voćni rasadnik Srebrenik realizovao je projekat pod nazivom „Izgradnja poslovnog objekta – Hladnjača“, sa pogonom za obradu voća i sadnog materijala. Ukupna predračunska vrijednost investicionog projekta samo sa ulaganjima u osnovna sredstva iznosi oko 2 miliona KM. Kompletan investicioni projekat finansiran je sredstvima Voćnog rasadnika kombinacijom vlastitih i kreditnih sredstava. Ministarstvo poljoprivrede, šumarstva i vodoprivrede TK je u određenom iznosu podržalo ovaj projekt, u dijelu opreme, kroz regresiranje dijela kamata. Izgrađeni objekat ima višefunkcionalnu namjenu, hladnjača sa kapacitetom od oko 700 t, prostorom za preradu i pakovanje voća i voćnih preradevina, izložbeno-prodajnim prostorom i administrativnim dijelom. Hladnjača ima 5 komora, tunel za brzo zamrzavanje kapaciteta 6 t/24 sata, ULO komore i dr. Inače, Voćni rasadnik Srebrenik uspješno se bavi proizvodnjom voćnog sadnog materijala od 1977. godine, a za 2012. godinu tržištu planiraju ponuditi 600.000 komada drvenastih voćnih sadnica s vrlo atraktivnim sortama.

D.K.



U TUZLI ODRŽAN SAJAM ZAPOŠLJAVANJA

U Tuzli je sredinom juna održan Regionalni sajam zapošljavanja. U organizaciji Službe za zapošljavanje Tuzlanskog kantona Sajam je održan u Sportsko-kulturnom centru „Mejdan“. Okupio je više od 40 poslodavaca koji su iskazali potrebu za zapošljavanjem oko 350 nezaposlenih osoba. Premijer Tuzlanskog kantona, Sead Čaušević, otvorio je Sajam i tom prilikom, između ostalog, rekao da je za smanjenje broja nezaposlenih, prije svega, potrebno stvaranje povoljne poslovne klime za investitore, jer samo nove investicije mogu kreirati nova radna mjesta. Direktor Federalnog zavoda za zapošljavanje, Kenan Rešo, rekao je da Sajam u organizaciji Službe predstavlja most između poslodavaca i nezaposlenih, te pozvao nezaposlene da iskoriste priliku koja im se pruža na Sajmu. U okviru Sajma održan je i Okrugli stol na kojem su učestvovali svi ključni akteri u oblasti zapošljavanja – predstavnici javnih službi za zapošljavanje, poslodavci, nezaposleni te predstavnici akademske zajednice. Opšta je ocjena da je za veće efekte u oblasti zapošljavanja potreban znatno veći ekonomski rast (najmanje 4%), te da bi javnim službama za zapošljavanje trebalo da bude omogućeno da obavljaju svoju ključnu funkciju, a ne da budu servis građanima koji se na evidenciji nalaze samo da bi ostvarili pravo na zdravstveno osiguranje.





Održan lukavački sajam turizma ...

10. JUBILARNI "LIST" – MAJ 2012.

Održan 10. jubilarni sajam List – Upriličeni okrugli stolovi o turizmu i zaštiti domaće proizvodnje



U maju je održan 10. jubilarni Lukavački sajam turizma "LIST 2012". Na 2.000 m² zatvorenog i 1.000 m² otvorenog sajamskog prostora LIST je okupio 125 izlagača iz Turske, Njemačke, Albanije, Srbije, Bugarske, Hrvatske, Crne Gore i Bosne i Hercegovine, Indije, Mađarske, Makedonije i Slovenije. Indonezija je bila počasni gost sajma. U okviru Sajma održano je i niz značajnih događaja. Izdvajamo okrugle stolove sa temama iz oblasti turizma i zaštite domaće proizvodnje.

„KAKO I ZAŠTO ZAŠTITITI DOMAĆU PROIZVODNJU PIVA, VODE I BEZALKOHOLNIH PIĆA“

U okviru Međunarodnog sajma turizma LIST u Lukavcu je održan i okrugli sto na temu: „Kako i zašto zaštititi domaću proizvodnju piva, vode i bezalkoholnih pića“, u organizaciji Vanjskotrgovinske komore BiH, Ministarstva trgovine, turizma i saobraćaja TK, PPD-VUT i Lukavačkog sajma. Prema riječima Adnana Imerovića, direktora Pivare Tuzla kao jednog od učesnika Okruglog stola, u vrijeme teške ekonomske krize Država mora poduzeti korake kako bi zaštitila domaću proizvodnju, a samo domaća proizvodnja može omogućiti otvaranje novih radnih mjesta. – Mi smo već prije nekoliko godina krenuli u globalnu borbu na državnom nivou da dokažemo prekomjeran uvoz piva, jer smo država gdje se skoro 70 posto piva uvozi, dok je evropski prosjek svega 13 posto – istakao je Imerović, te dodao da je jedan od dogovora sa ovog Okruglog stola da se borba za zaštitu domaće proizvodnje uz pomoć lokalnih i kantonalnih vlasti spusti na lokalni nivo, kako bi se istovremeno djelovalo i lokalno i globalno. Kada je riječ o uvozu piva, Imerović je potencirao nekoliko problema: – Po Pravilniku o pivu definisano je da se svako pivo koje sadrži ispod 3 posto alkohola mora deklarirati kao lako pivo, što znači da bi inspekcija već sutra trebala sa tržišta povući svo radler pivo na kome ne piše da je to lako pivo. Drugo, došao sam do informacija iz Zavoda za javno zdravstvo koje je radilo analize uvoznog piva, a konkretno se radi o Karlovačkom i PAN pivu, recimo, na deklaraciji PAN piva piše da ono sadrži 5 posto alkohola, a u stvarnosti procenat alkohola u ovom pivu je 4,3 posto. Mi pokušavamo reći javnosti da dobro gleda šta jede i šta pije, jer sve ovo što se uvozi u našu Državu je sumnjivog kvaliteta. S druge strane, domaći proizvodi se redovno, pa čak i previše kontrolišu – rekao je Imerović. Kako je istakao Fahrudin Čutuna, sekretar sindikalne koordinacije u grupacijama Klas Sarajevo, Sarajevska pivara i MIMS Sarajevo, današnji Okrugli sto koji je okupio domaće proizvođače, imao je dobre i kvalitetne diskusije vezano za pivarsku industriju i zaštitu domaće proizvodnje. – Samo 20 posto domaće proizvodnje zastupljeno je na tržištu u BiH, što svakako doprinosi uvozu kojekakvih roba sumnjivog porijekla. Na današnjem Okruglom stolu donijeli smo i konkretne zaključke koje



ćemo prezentirati Vladi FBiH. Jedan od zaključaka je taj da inspekcija ne radi dovoljno i da je potrebno angažovati više inspektora na terenu, kako bi se zaštitila domaća proizvodnja i kontrolisao uvoz roba u BiH – zaključio je Čutuna.

„STVARANJE POVOLJNIJIH USLOVA ZA RAZVOJ TURIZMA U BiH I REGIONU – OGRANIČAVAJUĆI FAKTORI“

U okviru 10. jubilarnog Međunarodnog sajma turizma „LIST 2012“ u Lukavcu je Ministarstvo trgovine, turizma i saobraćaja Tuzlanskog kantona organiziralo konferenciju na temu: „Stvaranje povoljnijih uslova za razvoj turizma u BiH i Regionu – ograničavajući faktori“. Na ovom skupu u fokus su bile stavljene aktuelne teme sa ciljem afirmacije zajedničke turističke ponude BiH i Regije, te iznalaženje rješenja za ograničavajuće faktore koji stoje na putu realizacije iste na regionalnom i globalnom tržištu. Razgovaralo se o stanju i mogućnostima turizma Regije, intenziviranju suradnje i razmjene iskustava, promociji i afirmaciji zajedničkih projekata turističke ponude te o zajedničkom pristupu obezbjeđenju liberalnijeg ulaznog viznog režima za naš Region. Pored turističkih radnika Regije, Konferenciji su prisustvovali predsjednik VTK BiH Bruno Bojić, zamjenik ministra vanjske trgovine i ekonomskih odnosa, Ermina Salkičević-Dizdarević. Turistički radnici su sa ovog skupa uputili i nekoliko zaključaka koji bi trebali doprinijeti realizaciji zacrtanih ideja i planova i učiniti razvoj turističke oblasti intenzivnijim. Podržana je ideja organizovanja godišnjeg kongresa, ili drugog konferencijskog tipa, turizma Regije čija bi organizacija i realizacija trebala biti u okviru ingerencija komorskog sistema organizovanja u zemljama Regiona. Upućen je zahtjev državnim organima BiH i zemalja Regije da razmotre mogućnosti uspostave liberalnijeg viznog režima za organizovane grupe posjetilaca iz zemalja za koje su neophodne vize. Potrebno je težiti definisanju integrisane i zajedničke turističke ponude Regiona preko koordinacionih odbora u okviru komorskog sistema zemalja u Regiji. Po istom principu, neophodno je težiti zajedničkim promotivnim aktivnostima, pogotovo na zahtjevnijim turističkim tržištima Bliskog Istoka. Zaključak je i da treba intenzivirati kontakte i međusobnu regionalnu suradnju u cilju zajedničkog apliciranja za razvojne projekte iz oblasti turizma koje finansira EU. Posebnu pažnju posvetiti sistemu obrazovanja radnika u turizmu i težiti izradi strateških dokumenata za razvoj turizma za nivo BiH, zaključci su jučer održane konferencije o turizmu na temu „Stvaranje povoljnijih uslova za razvoj turizma u BiH i Regionu – ograničavajući faktori“.

D.K.



dioničko društvo za promet roba na veliko i malo

Univerzalpromet
tuzla

75000 Tuzla, Mitra Trifunovića Uče 7
centrala: tel. – 035 280 525, 281 522, 281 524
direktor: tel. – 035 282 486, fax: 250 568
komercijalna služba: tel. – 035 280 698, 280 526
biro-servis: tel./fax: 035 251 219
p.j. Bijeljina: tel. – 055 206 177
e-mail: upromet@inet.ba

P oštovani

Univerzalpromet je za svoje cijenjene kupce, povodom nastupajućih vjerskih i novogodišnjih praznika, pripremio bogat asortiman promotivne poslovne galanterije:

rokovnici, kalendari, mape, adresari, vizitari, pisaći pribor, organizeri za uredski pribor, kožna ženska i muška galanterija, program Samsonite, svilene marame i kravate i još mnogo toga...

Po želji naših klijenata vršimo izradu tiska na svim artiklima.

Posjetite naš izložbeni paviljon u ul. M. T. Uče 7 u Tuzli, ili nas pozovite na tel.: 280 525, 280 526, 280 698.

Ekskluzivnost i kvalitet su naš zaštitni znak.

*Vaš partner
Univerzalpromet*

*Za Vaš
veći domet*

Univerzalpromet




Kretanja u privredi TK ...


PRIVREDNA KRETANJA U TUZLANSKOM KANTONU ZA PERIOD I-IV 2012.

Privreda Tuzlanskog kantona u prva četiri mjeseca 2012. godine je u odnosu na isti period 2011. ostvarila rast industrijske proizvodnje od 4.1%. Iako je zabilježen ukupan rast, većina najznačajnijih djelatnosti za Tuzlanski kanton su zabilježile pad proizvodnje. Prema glavnim industrijskim granama, pad je zabilježen u proizvodnji energije (-18.8%), kapitalni proizvodi (-22,0%), netrajni proizvodi za široku potrošnju (-8,3%) i intermedijarnih proizvoda (-1,4%), dok je rast zabilježen kod proizvodnje trajnih proizvoda za široku potrošnju (+ 98,9%).


U devetnaest privrednih grana je došlo do pada proizvodnje u prva četiri mjeseca 2012. godine u odnosu na isti period prošle godine, dok je rast ostvaren u samo četiri privredne grane, i to kod proizvodnje hemikalija, proizvoda od gume, baznih metala i proizvodnji namještaja i ostaloj prerađivačkoj industriji. U periodu januar-maj 2012. godine iz Tuzlanskog kantona ukupno je izvezeno proizvoda u vrijednosti od 394.452.000 KM što je u odnosu na isti period prošle godine manje za 19,27%. U isto vrijeme je došlo i do pada uvoza od 13,06% te je uvezeno roba u vrijednosti od 501.369.000 KM. Pokrivenost uvoza izvozom je 78,67%, što je znatno lošije u odnosu na isti period prošle godine kada je pokrivenost bila 84,73%. Ostvaren je vanjskotrgovinski deficit u vrijednosti od 106.917.000 KM. Rast izvoza je ostvaren kod izvoza industrijskih materijala, kapitalnih proizvoda i proizvoda za široku potrošnju, dok je u izvozu hrane i pića, goriva i maziva i transportnih sredstava došlo do pada izvoza.



Rast uvoza u Tuzlanski kanton je zabilježen kod uvoza proizvoda za široku potrošnju, dok je do pada došlo kod uvoza hrane i pića, industrijskih materijala, goriva i maziva, kapitalnih proizvoda i transportnih sredstava. Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija.




Indeksi industrijske proizvodnje



Prema podacima Federalnog zavoda za statistiku u martu 2012. godine u Tuzlanskom kantonu je bilo zaposleno ukupno 80.916 osoba, što je za 2,4% manje u odnosu na prosjek iz 2011. godine i 0,1% više u odnosu prethodni mjesec. 60.317 osoba je zaposleno u privrednom sektoru dok je njih 20.599 zaposleno u javnom sektoru. Prerađivačka industrija i trgovina zapošljavaju najviše osoba. Prosječna neto plata iznosi 736,89 KM što je ispod prosjeka Federacije BiH. Najviše prosječne neto plate su u sektoru proizvodnje i opskrbe el. energijom, plinom i vodom, dok su najniže prosječne neto plate u trgovini. Prema podacima Federalnog zavoda za zapošljavanje, u januaru 2012. godine je registrovano 95.669 nezaposlenih osoba. Prema stručnoj spremi, najviše je KV i NKV radnika, a slijede osobe sa srednjom stručnom spremom. U Zavodu je registrovano 4.176 osoba sa visokom stručnom spremom.

	ZAPOSLENI	NEZAPOSLENI
III 2011	82.873	92.965
IV 2011	83.112	92.951
V 2011	82.975	93.028
VI 2011	82.865	93.353
VII 2011	83.290	93.696
VIII 2011	83.000	94.739
IX 2011	82.932	94.089
X 2011	83.784	94.529
XI 2011	82.405	94.723
XII 2011	81.850	95.194
I 2012	81.061	96.057
II 2012	80.828	96.004
III 2012	80.916	95.669



STRUČNA SLUŽBA
KANTONALNE PRIVREDNE
KOMORE TUZLA



KANTONALNA
PRIVREDNA
KOMORA TUZLA



ŠKOLA RAČUNARA ECDL

(European Computer Driving Licence)

Kantonalna privredna komora Tuzla u saradnji sa Institutom za edukaciju Vanjskotrgovinske komore BiH organizira međunarodno priznatu školu računara **ECDL - Europski certifikat o poznavanju rada na računaru.**

Ova škola se sastoji od slijedećih modula:

- Modul 1. Osnovi informacionih tehnologija (IT)
- Modul 2. Microsoft Office Windows XP (operativni sistem i upravljanje datotekama)
- Modul 3. Microsoft Office Word 2003 (obrada teksta)
- Modul 4. Microsoft Office Excel 2003 (rad sa tabelama)
- Modul 5. Microsoft Office Access 2003 (baze podataka)
- Modul 6. Microsoft Office PowerPoint 2003 (izrada prezentacija)
- Modul 7. Microsoft Office Outlook 2003 (Internet i elektronska pošta)

Predznanje nije neophodno!!!

Svaki od navedenih modula se pojedinačno polaže. ECDL TEST se polaže putem Interneta. Nakon položenih modula 2, 3, 4 i 7 dobiva se **ECDL START certifikat** a nakon svih sedam **ECDL DIPLOMA**, koji su priznati u 146 država svijeta (www.ecdl.com).

Više informacija o ECDL-u u Bosni i Hercegovini možete naći na www.ecos.ba ili www.ecdl.ba

Kotizacija za ECDL start:

400,- KM na tri rate (I rata 200,- KM prije početka škole).

U kotizaciju su uračunati: troškovi edukacije, priručnici i jedno polaganja svakog od navedena četiri modula. Pravo polaganja kandidat stiče uplatom cjelokupnog iznosa.

ŠKOLA ZA ECDL START CERTIFIKAT POČINJE U KANTONALNOJ PRIVREDNOJ KOMORI TUZLA,

Termini nastave:

Grupa 1: ponedjeljak i srijeda 14:00 - 15:30

Grupa 2: utorak i četvrtak 14:00 - 15:30

Zbog ograničenog broja mjesta molimo Vas da na vrijeme izvršite prijavu!

Informacije i prijave:

KANTONALNA PRIVREDNA KOMORA TUZLA

75000 TUZLA, Trg slobode b.b.

jovan@kpktz.ba

tel. : 035 258-260

NLB Klik



Nije važno kako ste došli...